

Na osnovu člana 46. i 49. Statuta KJKP "Tržnice pijace"d.o.o Sarajevo br. 2746-2-1/25 od 10.10.2025.godine i Odluke Nadzornog odbora br.360-3/26 od 10.02.2026.godin, Nadzorni odbor raspisuje

JAVNI KONKURS
za izbor i imenovanje člana Uprave -Izvršnog direktora
KJKP "Tržnice pijace" d.o.o. Sarajevo

1. Objavljuje se Javni konkurs za izbor i imenovanje člana Uprave- Izvršnog direktora KJKP "Tržnice pijace" d.o.o. Sarajevo

2. Opis pozicije

Izvršni direktor Preduzeća pored nadležnosti iz djelokruga Uprave Preduzeća utvrđene Statutom KJKP"Tržnice pijace"d.o.o Sarajevo, odgovoran je i ima sljedeće obaveze:

- učestvuje u radu Uprave preduzeća, po nalogu i odobrenju direktora preduzeća, te zastupa preduzeće u granicama ovlaštenja,
- rukovodi i odgovoran je za rad Sektora za razvoj, marketing i komercijalne poslove, Službe za finansijsko-računovodstvene poslove i Odjela za pravne, kadrovske i opšte poslove,
- učestvuje u pripremi prijedloga i planova poslovanja, organizuje i nadzire sprovođenje donesenih odluka i poslovnih politika, kao i mjera za unapređenje rada,
- priprema prijedloge raspodjele dobiti i pokrića gubitaka, izvještaje o poslovanju i druge stručne i finansijske akte,
- predlaže mjere i aktivnosti za poboljšanje organizacije rada, efikasnosti i racionalizacije poslovnih procesa,
- predlaže i provodi mjere za razvoj novih proizvoda, usluga i tržišta, te kontinuirano unapređuje poslovanje u skladu s tržišnim zahtjevima, organizuje i nadzire rad zaposlenih u sektorima i službama kojima rukovodi, ocjenjuje radne učinke i predlaže unapređenja ili mjere disciplinske odgovornosti,
- osigurava zakonito i transparentno poslovanje preduzeća, te blagovremeno postupanje po propisima i aktima nadležnih institucija,
- vodi brigu o zaštiti imovine preduzeća, zakonitom raspolaganju finansijskim sredstvima i racionalnom korištenju resursa,

3. Mandat

Mandat izvršnog direktora traje do isteka mandata imenovanog direktora po Odluci nadzornog odbora broj: 794-2a/25 od 24.03.2025.godine .

4.Uslov

Kandidati koji apliciraju na poziciju izvršnog direktora Preduzeća, moraju ispunjavati opće i posebne uslove.

a) Opći uslovi

1. da je državljanin BiH (dokaz: uvjerenje o državljanstvu),
2. da je zdravstveno sposoban za obavljanje poslova za koje se prijavljuje (dokaz:ljekarsko uvjerenje);
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja javnog konkursa (dokaz:potpisana izjava ovjerena od nadležnog organa)
4. da nije osoba koja vrši funkciju predsjednika ili člana nadzornog odbora ili uprave drugog društva ili institucije (dokaz:potpisana izjava ovjerena od nadležnog organa);
5. da nije izabrani zvaničnik, nosilac izvršne funkcije ili savjetnik koji obavlja javne funkcije u institucijama vlasti (dokaz:potpisana izjava ovjerena od nadležnog organa);
6. da se na njega ne odnosi član IX tačka 1. Ustava BiH (dokaz:potpisana izjava ovjerena od nadležnog organa),

7. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH (dokaz:potpisana izjava ovjerena od nadležnog organa),
8. da nije osuđivan za krivično djelo i za prekršaj nespojiv s dužnošću u Upravi pet godina od dana pravosnažnosti presude isključujući vrijeme zatvorske kazne (dokaz:potpisana izjava ovjerena od nadležnog organa),
9. da kandidatu nije presudom Suda zabranjeno obavljanje aktivnosti u nadležnosti Uprave (dokaz:potpisana izjava ovjerena od nadležnog organa),
10. da nema privatni finansijski interes u KJKP“Tržnice-pijace“d.o.o Sarajevo; (dokaz:potpisana izjava ovjerena od nadležnog organa),
11. da nije u sukobu interesa u smislu Zakona o sukobu interesa u organima vlasti u Federaciji BiH Zakona o prevenciji i suzbijanju korupcije u Kantonu Sarajevo i drugim zakonima u pogledu sukoba interesa i nespojivosti funkcija; (dokaz:potpisana izjava, ovjerena od nadležnog organa),
12. da ne postoje druge zakonske smetnje za obavljanje funkcije izvršnog direktora u KJKP“Tržnice-pijace“d.o.o Sarajevo (dokaz:potpisana izjava ovjerena od nadležnog organa),
13. Da je kandidat kao nosilac podataka, dobrovoljno i slobodno priložio prijavu na konkurs i dokumentaciju i da slobodnom voljom daje saglasnost i svoj pristanak da se njegovi lični podaci obrađuju u svrhu provođenja Konkursa za izbor i imenovanje člana Uprave -Izvršnog direktora(dokaz:potpisana izjava ovjerena od nadležnog organa)

b) Posebni uslovi

1. da ima univerzitetsku diplomu VII stepena stručne spreme, odnosno visoko obrazovanje prvog ciklusa (koje se vrednuje sa 240 ECTS bodova), ili drugog ili trećeg ciklusa Bolonjskog sistema studiranja ekonomski ili pravni fakultete, društvenog ili tehničkog smijera; (dokaz: univerzitetska diploma ili uvjerenje o diplomiranju traženog nivoa stručne spreme)
2. da ima najmanje pet godina radnog staža u struci, od čega najmanje tri godine na rukovodnim poslovima, nakon sticanja univerzitetske diplome, odnosno visokog obrazovanja traženog nivoa stručne spreme odnosno spreme iz tačke 1; (dokaz: potvrda/uvjerenje o radnom iskustvu izdato od strane poslodavca sa nazivom radnog mjesta, stepenom stručne spreme i vremenskim periodom obavljanja istih i Uvjerenje o podacima registrovanim u matičnoj evidenciji iz PIO-a, izdat od strane Federalnog zavoda penzijskog i invalidskog osiguranja)
3. da ima iskustvo i stručnost u oblastima od značaja za rad i poslovanje Preduzeća. (dokaz:intervju)
4. da posjeduje uvjerenje o usavršavanju u skladu sa važećim propisima (dokaz:certifikat o završenom usavršavanju izdat od Privredne/gospodarske komore F BiH ili ukoliko kandidat nije prošao navedeno usavršavanje kandidat je dužan dostaviti izjavu ovjerenu u općini da se obavezuje da će nakon imenovanja na funkciju izvršnog direktora Preduzeća usavršavanje proći u roku od 1/jedne/godine od preuzimanje dužnosti);

5. Završne odredbe

1. Kandidati su dužni uz svojeručno potpisanu prijavu, dostaviti i svojeručno potpisanu kraću biografiju (Obavezno je naznačiti adresu prebivališta, kontakt telefon i e-mail);
2. Prijava kandidata mora da sadrži sve tražene dokaze o ispunjavanju općih i posebnih uslova za poziciju za koju se kandidat prijavljuje;
3. Tražena dokumentacija mora biti u originalu ili ovjerenoj fotokopiji (ne starija od 3/tri/ mjeseca) izuzev za dokumentaciju trajne vrijednosti;
4. Kandidati nisu dužni uz prijavu dostaviti dokaz tražen Općim uslovima pod tačkom 2. da je zdravstveno sposoban za obavljanje poslova za koje se prijavljuje (ljekarsko uvjerenje). Kandidat koji bude izabran na poziciju Izvršnog direktora Preduzeća, dužan je dostaviti ljekarsko uvjerenje prije potpisivanja ugovora.
5. Izabrani kandidat je dužan prije preuzimanja dužnosti dostaviti dokaz izdat od nadležnog organa da kandidat nije osuđivan za krivično djelo i za prekršaj nespojiv s dužnošću u Upravi pet godina od dana pravosnažnosti presude isključujući vrijeme zatvorske kazne i dokaz izdat od strane nadležnog organa da kandidatu nije presudom Suda zabranjeno obavljanje aktivnosti u nadležnosti Uprave .

6. Javni konkurs ostaje otvoren 15/petnaest/ dana od dana posljednjeg objavljivanja.
7. Tekst Javnog konkursa će biti objavljen dnevnom listu „Oslobođenje“ u skraćenoj verziji, „Službenim novinama FBiH“, registru javnih oglasa Ureda za borbu protiv korupcije Kantona Sarajevo i internet stranici Preduzeća www.trznice.ba.
8. Nepotpune, neblagovremene i neuredne prijave neće se razmatrati, kao i kopije tražene dokumentacije koje nisu ovjerene;
9. Kandidati koji uđu u uži izbor biti će pozvani na intervju.
10. Prijedlog za izbor članova Uprave -izvršnog direktora Konkursna komisija dostavlja Nadzornom odboru u roku od 30 dana od dana isteka konkursa, na osnovu uvida u dostavljenu dokumentaciju i obavljenog intervjua s kandidatima koji su ušli u uži izbor.
11. Dokumentacija koja se priloži ostaje u arhivi Preduzeća, i može se dobiti natrag na osnovu pismenog zahtjeva kandidata za povrat dokumentacije.
12. Kovertirane prijave sa traženim dokazima dostaviti na adresu:

Kovertirane prijave sa traženim dokazima dostaviti lično ili preporučeno poštom na adresu:

**KJKP"Trznice-pijace" d.o.o. Sarajevo
Ul. Mula Mustafe Bašeskije 4a
71000 Sarajevo**

sa nazankom
**PRIJAVA ZA JAVNI KONKURS
(za izbor Izvršnog direktora)
-NE OTVARATI-**

Na poleđini koverta obavezno navesti ime i prezime, adresu i broj telefona podnosioca prijave.